



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03) i Odluke Vlade Srednjobosanskog kantona o usvajanju Godišnjeg programa razvoja male privrede Srednjobosanskog kantona broj: 01-11.7-1753/2024 od 29.02.2024. godine, Ministarstvo privrede raspisuje

JAVNI POZIV ZA SUFINANSIRANJE OSNIVANJA NOVIH OBRTA

I PREDMET I NAMJENA JAVNOG POZIVA

Objavljuje se javni poziv za samozapošljavanje fizičkih lica koja su u procesu registracije novog obrta za period na 12 mjeseci u mjesečnom iznosu od 600,00 KM i za refundaciju dijela troškova za pokretanje obrta u mjesečnom iznosu od 50,00 KM.

Sredstva za ovu namjenu rasporedit će se novoosnovanim obrtima u skladu sa Odlukom Vlade Srednjobosanskog kantona o usvajanju Godišnjeg programa razvoja male privrede Srednjobosanskog kantona broj: 01-11.7-1753/2024 od 29.02.2024.godine sa pozicije Budžeta “Subvencije privatnim preduzećima i poduzetnicima - poticaj privredi”.

II PRAVO NA PODNOŠENJE PRIJAVE NA JAVNI POZIV

Pravo na podnošenje prijave na javni poziv imaju fizička lica, koja se nalaze u procesu osnivanja novog obrta i koja se nalaze na evidenciji nezaposlenih lica kod Službe za zapošljavanje Srednjobosanskog kantona, na dan objave Javnog poziva.

III SADRŽAJ PRIJAVE FIZIČKIH LICA KOJA SU U PROCESU REGISTRACIJE NOVOG OBRTA

- Fizička lica koja se prijavljuju putem web platforme, prije podnošenja prijave, su dužna da se registruju na web platformi „eprivreda“ (www.eprivreda.ba). Nakon popunjavanja prijavnog obrasca, obavezni su učitati sljedeće dokumente:
 - a) Potvrdu Službe za zapošljavanje Srednjobosanskog kantona da su bili na evidenciji nezaposlenih lica na dan objave ovog Javnog poziva;
 - b) Potpisanu i ovjerenu izjavu o namjenskom korištenju sredstava ovjerenu od strane općine ili notara;
 - c) Biznis plan

- Privredna društva koja se prijavljuju putem pošte ili lično na protokol Vlade SBK dostavljaju gore navedenu dokumentaciju, tačka a) do c), uz koju prilažu popunjen obrazac zahtjeva za sufinansiranje, koji se nalazi u prilogu Javnog poziva.

IV POTPISIVANJE UGOVORA O IMPLEMENTACIJI ODOBRENIH SREDSTAVA

Sa korisnicima sredstava, kojima se Odlukom Vlade raspodijele finansijska sredstva, Ministarstvo privrede zaključit će ugovore o implementaciji odobrenih sredstava, koji sadrži visinu, namjenu i uslove dodjele sredstava, rokove utroška odobrenih sredstava, međusobna prava i obaveze, način i rokove izvještavanja o utrošku sredstava, nadzor nad utroškom sredstava u svrhu za koju su odobrena, te sankcije u slučaju nepoštivanja Ugovora.

V OBAVEZE KORISNIKA SREDSTAVA

Korisnici sredstava imaju sljedeće obaveze i odgovornosti:

- 1) Da dodijeljena sredstva koriste namjenski u skladu sa Odlukom Vlade o usvajanju Godišnjeg programa razvoja male privrede, Javnim pozivom, Odlukom Vlade o raspodjeli finansijskih sredstava i Ugovorom o implementaciji odobrenih sredstava.
- 2) Da se pridržavaju svih rokova iz Odluke Vlade o usvajanju Godišnjeg programa razvoja male privrede, Javnog poziva, Odluke Vlade o raspodjeli finansijskih sredstava i Ugovora o implementaciji odobrenih sredstava.
- 3) Da u skladu sa Odlukom Vlade o usvajanju Godišnjeg programa razvoja male privrede, Javnim pozivom, Odlukom Vlade o raspodjeli finansijskih sredstava i Ugovorom o implementaciji odobrenih sredstava dostave Izvještaj o utrošku finansijskih sredstava Ministarstvu privrede Srednjobosanskog kantona.

VI PRAĆENJE I NADZOR NAD KORIŠTENJEM FINANSIJSKIH SREDSTAVA

- 1) Praćenje namjenskog korištenja sredstava od strane korisnika sredstava vršit će Komisija za praćenje koju imenuje Ministar privrede.
- 2) Inspeksijski nadzor nad implementacijom podsticajnih sredstava vrši nadležna kantonalna inspekcija.
- 3) Korisnici sredstava obavezni su dodijeljena sredstva koristiti namjenski i dužni su dostaviti Izvještaj o utrošku budžetskih sredstava na propisanom obrascu "Izvještaj o implementaciji finansijskih sredstava"
- 4) Ukoliko se utvrdi da je korisnik sredstava nenamjenski utrošio sredstva, korisnik sredstava dužan je izvršiti povrat cjelokupnog iznosa doznačenih sredstava na račun Vlade Srednjobosanskog kantona u roku od 30 dana kada je Ministarstvo privrede pisanim putem to od njega zatražilo. U suprotnom pokrenut će se postupak pred nadležnim organima protiv korisnika sredstava koji nije opravdao doznačena sredstva.
- 5) Ukoliko korisnik sredstava nije utrošio cjelokupan iznos doznačenih sredstava za realizaciju odobrenog zahtjeva, dužan je izvršiti povrat neutrošenih sredstava uplatom istih na račun Vlade Srednjobosanskog kantona u roku od 30 dana od dana završetka projekta uz obrazloženje.

VII PODNOŠENJE PRIJAVE

Prijave sa odgovarajućom dokumentacijom, dostavljaju se putem web platforme „eprivreda“, putem pošte na adresu Ministarstvo privrede SBK (Stanična 43, Travnik) ili lično na protokol Vlade SBK sa naznakom „Prijava na Javni poziv za sufinansiranje osnivanja novih obrta“.

Rok za dostavljanje prijave je 20 (dvadeset) dana od dana objave javnog poziva na web platformi www.eprivreda.ba

Nepotpune, neblagovremene i neuredne prijave neće biti razmatrane.

VIII TROŠKOVI PO JAVNOM POZIVU

U postupku po Javnom pozivu Ministarstvo ne snosi nikakve troškove učesnicima Javnog poziva, te zadržava pravo da izmjeni, poništi Javni poziv, ili da odbaci sve prijave, u bilo koje vrijeme prije zaključenja ugovora.

Dostavljena dokumentacija neće se vraćati.

IX OSTALE ODREDBE

Sa privrednim društvima kojima se rasporede finansijska sredstva Ministarstvo privrede će potpisati Ugovor o implementaciji odobrenih sredstava, kojim će biti preciziran način i dinamika korištenja sredstava, te nadzor nad trošenjem istih u namijenjene svrhe. Sve dodatne informacije vezane za javni poziv mogu se dobiti svakim radnim danom putem telefona broj: 030/ 511 - 217 od 9,00 do 12,00 sati.

U prilogu javnog poziva nalaze se:

- 1) Obrazac Zahtjeva br.2/24 za fizička lica koja su u procesu registracije novog obrta koji je potrebno popuniti u cjelini, uredno sa svim navedenim elementima, i isti dostaviti u prijavi na javni poziv.
- 2) Izjava o namjenskom korištenju finansijskih sredstava.

Broj: 05-11-2538/24

Travnik, 27.03.2024.godine

MINISTAR
dr.sci. Sedžad Milanović